

Referat frå styremøte på FK Lillehammer 18. januar kl. 10.00 – 17.00

Deltakarar: Arnfinn Beito, Anne Kari Veikleenget, Bjørn Even Stenberg, Ellen M. Syse, Berit Kaltoft og Pål Kjorstad.

Sak 1/2017: Referatsaker

- Referat frå styremøte 3.11.2016, lagt ut på heimesida. I referatet er innspelet i samband med kandidat til avlsråd i Working Kelpie ikkje heilt i samsvar med innsendt forslag til NSG, sjå sak 9/2017.
- Leiarmøte i Oppland Bondelag 21.– 22/11 2016, Arnfinn deltok. Bondelaget ber preg av å ha lite medlemmar med sau i organisasjonen.
- Elektronisk rapportering frå Oppland Radiobjøllelag og søknadsskjema for 2017 er lagt ut på nettsida
- Faktura driftstilskot opp mot refusjon av utsendingar til årsmøtet er sendt lokallaga
- Faktura på sponsoravtaler utsendt, med unnatak av den til Nortura
- Dialogmøte med og møte i rovviltnemnda 21. november 2016, Pål deltok
- Fått restmidlar frå FKT-midlane til rovviltnemnda i Oppland
- Ulvemarkeringa i Oslo 4/1 ble økonomisk kjørt gjennom rekneskapssystemet vårt og Pål har vore aktiv lokalt med kontakt til NSG, artikkelen på heimesida er følgt opp. Takk også til Jonny Mathisen, Ole-Petter Berget og Hans Petter Solberg for innsatsen i saka.
- Infoskriv sendt ut til medlemmane 14. januar 2017, m/ bl.a. innkalling til regionmøter, innkalling til årsmøte, info frå og om valnemnda og info elektronisk overvakning.
- Elektronisk påmelding til årsmøte og seminar lagt ut på nettsida 12. januar 2017
- Program for årsmøte- og seminarhelga godkjent og produsert.
- Møte i innlandsplattform, Blæstad 12. januar 2017, Arnfinn deltok
- Gladnyheit frå NSG, der supervervaren i 2016 er frå Gausdal og Oppland: Jostein Elde

Sak 2/2017: Årsmelding 2016

Årsmeldinga til Oppland Sau og Geit blir i år litt forseinka grunna ulvesaka. Den vert skrive og utarbeidd etter same lest som i fjor med god hjelp av tillitsvalde i organisasjonen, Sidsel Røhnebæk hos FMOP, Terje Bakken i avslutvalget, Endre Amundgård i OGL og Roy på Bekkevold Lyskopi og med Pål som hovudansvarleg ”journalist og redaktør. Det blir bestilt 1500 årsmeldingar: ca. 1300 sendes per post (inkludert til alle kommunar i Oppland og 1 eksemplar til NSG), Sidsel får 50 stk. og resten er til utdeling/arkiv.

Annonser/reklame er i år støtta frå: OSID, AS Nessemaskin, Fjøssystemer, Sparebank 1 Gudbrandsdalen, Telespor AS, FindmySheep, Tine SA, Nortura SA, Felleskjøpet, Furuseth AS, Fatland, Strand Unikorn, Grobakken Landmek AS, Bekkevold Lyskopi, Norilia og Sikringsradioen.

Sak 3/2017: Rekneskap for 2016

Revidert rekneskap for Oppland Sau og Geit, Oppland Radiobjøllelag og Ring 41 vart lagt fram for styret og godkjent for framlegging på årsmøtet i organisasjonen i dei ulike avdelingane. Leif Arne Sandbekken gjorde opp rekneskapet 12/1 i samarbeid med kasserar. Rekneskapet er sendt til revisor. Rekneskapet er eit plussrekneskap i alle avdelingar.

Avdelingsrekneskapet for NM i saueklipping vart ført i 0, da overskotet vart ført over til lokallaga som stod for arrangementet.

Sak 4/2017: Årsmøte og seminaret 2016 – følgande vart detaljertplanlagt:

- Gjennomgang av program/fordeling av oppgåver og ansvar:
- OB, OBS, FM, NSG, Nortura og æresmedlemmar vert inviterte.
- Ønskje velkome i inngangen på hotellet. Ansvarlege Berit Kaltoft og Bjørn Even Stenberg. Bjørn Even står under seminardelen fredag ettermiddag.
- Det vart vedteke at folderane til seminardelekarane burde i tillegg til namn innehalda kva fylket dei var frå.
- Det vert ordna med butikk med NSG-effektar, ansvarleg Anne Terningen
- Arnfinn og Martin ønskjer velkome etter ver-ringsmøte fredag
- Lokal opning av årsmøtet i OSG kl. 09.00 laurdag, vi spør leiar i Ringebu Sau og Geit Kjell Erik Brandstadmoen
- Innspel til jordbruksforhandlingane kan vera ei felles årsmøteuttale frå årsmøta i HSG og OSG.
- Ellen leder årsmøte i fylkeslaget og seminar laurdag.
- Arnfinn leder seminaret søndag.
- Gjestar/taletid: Oppland Bondelag, Oppland Bonde- og Småbrukarlag m.fl.
- Sidsel Røhnebæk har innlegg i årsmeldinga
- Arnfinn og Martin leder premiesamlinga. Prisutdelingar: ansvarlege: Dei 2 leiarane i fylkeslaga. Erling Skurdal (gjetarhund), Kjell Ivar Bergehagen (verar) og Pål Eiesar (bukk) vert bedne om å koma fram og dela ut desse for Oppland.
- Berit Kaltoft kjøper blomar til ei spesiell anledning.
- Arnfinn ønsker velkome til borda under festmiddagen

Sak 5/2017: Saker til årsmøtet frå styret i OSG

1. Beste lokallag 2017, premie kr. 5000,-. Etter debatt i møte vart det vedtaket at følgande kriterier skulle telja inn: Tal hovudmedlemmar og æresmedlemmar i forhold til småfebønder i området/kommunen, tal støtte/hustandsmedlemmar, medlemsmøter/rekrutteringstiltak - oppslutning, oppfølging (innsendt rapport), innspel til fylkeslaget, heimeside, kåringar og gjetarhundarrangement. På lagar ferdig rekneark som i sum skal avgjera resultatet.
2. Driftstilskot frå lokallag til fylkeslaget for 2017. Styret fremmer forslag om det same som i fjor, kr. 90,- for alle hovudmedlemmar, basert på medlemstalet 31/12 2016
3. Refusjon til lokallaga for utsendingar til årsmøte i OSG 2017. Styret fremmer forslag om det same som i fjor, kr. 500,- i refusjon pr. utsending.
4. Arbeidsoppgåver 2017 og framover for styret i OSG. Den store andelen av rovviltarbeid vart nemnt som utfordrande for styret, særleg med tanke på at styret var sett saman av bl.a. gjetarhundrep./sauavlsrep. og geitrep. Sjølv om rekneskapet til fylkeslaget i dag synleggjer rovviltarbeidet både med arbeidskostnader og kjørekostnader, så er styret av den meinингa at tala ikkje stemmer med fakta. Skal styret bruka så mykje tid på rovviltarbeidet? Skal faglaga og OSG gjera så mykje dobbeltarbeid med dette? Går det an å tenkja seg ein eige underkomité i styret i OSG eller på tvers av OSG og faglaga i Oppland som tek seg av rovviltarbeidet? Målet må vera at styret i OSG med dette kan få tid til andre og meire praktiske sauehald-saker i

løpet av arbeidsåret. Vedtak: Anne Kari og Ellen sørger for at saka blir laga meire konkret og teke opp som sak på årsmøtet, og korresponderer med styret på e-post.

Sak 6/2017: Innspel til jordbruksforhandlingane 2017

NSG vil helst ha innspel til jordbruksforhandlingane innan neste styremøte i starten av februar, men kan tenkja seg endeleg innspel etter årsmøtet vårt, mandag 6/3. Dermed kan både regionmøta og årsmøtet vera med i prosessen. Elles er det vanskeleg med innspel til jordbruksforhandlingar i år, da ”Matmeldinga” sikkert skal vedtakast like før forhandlingane. Av innspela på styremøte vart desse nemnt:

Fortsetja med markedsreguleringsordning for geitemjølk

Fortsetja med avløysarordning som eige system som i dag

Oppretthalda kjøtprisen på sau og lam – kan ein som på purke ta reversera inn att målprisen på sau og lam, slik at ein faktisk kan eksportera noko av overskotet og dermed koma på rett veg att?

Sak 7/2017: Saker frå Ring 41/avlsutvalget

Beste ver i Oppland 2016 er etter kriteria som vart vedteke på førre årsmøte:

NKS: 201320624 Fjellmo, oppdrettar Elin og Pål Grev, Vågå, og

Spæl: 201421601 Øyvind, oppdrettar Olga og Øyvind Myhrsveen, Fåvang , Kjell Ivar er ansvarleg for å skaffe premier.

Sak 8/2017: Geitesaker

Møter angåande landbruksmeldinga, Beito 3/1 og Fåvang 9/1. Geitehaldarar i Valdres og Gudbrandsdalen har laga eit opprop der dei viser kor avhengige dei er av at markedsreguleringsordninga på geitemjølk held fram. Oppropet er støtta av OSG, faglaga i Oppland, eierutvalget i Tine Øst og av alle ordførarar i Gudbrandsdalen. Valdresordførarane og turistdestinasjonar/reiselivsnæringer er dei neste som vert spurt om å støtta opp. Oppropet er sendt til NSG, for at dei kunne ta det med i representantskapsmøtet i Norges Bondelag og i høyringa i Næringskomitéen på Stortinget.

Beste bukk i Oppland for 2016 er 2014343, oppdrettar Anne Helen Haugen, Vågå. På K har ansvaret med å skaffe premie.

Styret i OSG har fått eit tips om at det finns ei bok: ”Kinning, bresting og ysting i Valdres”, som kan vera lugum som gav i somme anledningar.

Sak 9/2017: Gjetarhundsaker

Fylkesmester i Oppland 2016, Jan Briskeby med Arja får premie på årsmøte. Nortura ordnar med premien, som er ein vandrepokal som Jan Briskeby nå får til odel og eige. Anne Kari er ansvarleg for at dette skjer.

Da det gjeld saka om oppnemning av 2 personar som avlsråd for Working Kelpie i NSG, så vart Camilla Oden valgt som den einaste av kandidatane fra Oppland. Ved innsending av dette til NSG vart kandidatane sendt inn i prioritert nummerrekjkjefølge, med Sara Nilsen som førstekandidat. Dette var òg meinингa frå styret, men i protokollen vart ikkje prioriteringa teke med. I referatet frå førre styremøte står det: ”I samråd med styret i Oppland Gjeterhundlag blir det sendt inn forslag på Sara Nilsen og Camilla Oden som våre kandidatar til desse verva.” Dette vert endra i protokollen til å lyda: ”I samråd med styret i Oppland Gjeterhundlag blir det sendt inn forslag på desse kandidatane i nummerrekjkjefølge frå Oppland: 1. Sara Nilsen og 2. Camilla Oden, som våre kandidatar til desse verva.” Styret i

OSG vedtok i tillegg at det skulle senda mail til Gjeterhundrådet og spørja om grunngjevinga for at 1. kandidaten vår, Sara Nilsen, vart forgått i utnemninga av avlsrådet.

Sak 10/2017: Oppland Radiobjøllelag

Vi har fått kr. 260.000 i restmidlar av FKT-midlar av rovviltnemnda i Oppland etter søknaden vår om dette. Vi har bestilt 400 nye radiobjøller frå Telespor for kr. 999,- pr. eining inkludert batteri og abonnement 2017, og vi har bestilt 100 nye einingar frå Findmysheep for kr. 1785,- pr. eining. Det vart ordna med Biocontrol slik at vi fekk faktura på 20 stk. salsteinavlesere for 2016, noko vi også har fakturert brukarar for. Restmidlane frå rovviltnemnda i Oppland gjorde at vi rekneskapsmessig gjekk overskot i 2016 i motsetning til at vi hadde gått omlag kr. 100.000 i underskot.

Sak 11/2017: Apotekavtale

Pål har vore i kontakt med Hordaland Sau og Geit og fått innsyn i deira avtaler på nettet. Det viser seg at Rogaland og Vest-Agder har liknande avtaler. Avtalene er i alle tilfell knytta til apotek/apotekkjeder med fram-forhandla prisar på enkeltprodukter. Pål set opp produktlister og sender førespurnadar til apotek/apotekkjeder i Oppland.

Sak 12/2017: Sponsoravtale

Vi hadde fått utkast til sponsoravtale med Nortura, og styret godkjente den. Styret er fornøgde med at arbeidet med sponsoravtalene har gått bra, dei takkar bidragsytarane for støtta og ser fram til vidare samarbeid med dei.

Sak 13/2017: Ulvedtaket 20/12 2016 og arbeidet vidare

Saka har versert sidan 20/12 2016, da statsråd Helgesen i KLD sa nei til vedtaket om å ta ut ulver i ulvesona for om mogleg å følgja Stortingsvedtaket mht. bestandsmålet for ulv. Styret i OSG ser på denne saka som den mest alvorlege saka mht. rovviltnedvalting i seinare tid, og i prinsippet kan den seinare vera medverkande til at heile beitearealet vårt bokkar under.

Arnfinn er valgt inn i aksjonsgruppa med rot i Innlandsplattforma, og Pål har både frå lokalt i Midtdalen og frå sitt engasjement som leiar i Utmarksrådet i NSG vore med og organisert markeringar i Oslo. OSG har òg ein følgjetong på heimesida om ulvesaka.

OSG vil arbeida vidare med saka, og styret vedtok å støtta neste arrangement i saka med å støtta kostnader med buss med inntil kr. 10.000,-. Dette er ei storstilt mønstring i Oslo med appeller ved Stortinget og fakkeltog til statsminister Erna Solberg sitt kontor måndag 30/1 2017 kl. 19.00. I den anledning vil vi òg søkje NSG om støtte.

Sak 13/2017: Eventuelt.

Mht. stortingsvalget 2017 vil styret i OSG arbeida for at vi seier ja til representasjon på ymse valgmøter, og at vi saman med faglaga i Oppland får produsert opp stoff som vi kan bruka for å synleggjera landbruket i Oppland.

Lillehammer, 18. januar 2017. Pål Kjorstad